

697  
10 -05- 2018

MUP KANTONA SARAJEVO  
UPRAVA POLICIJE

VD N

02/1-1 ✓

02/1-2

Broj: 02- 17 /18  
Datum: 27.04.2018. godine

  
- Instrukcija.

MINISTRU – za informaciju

URED POLICIJSKOG KOMESARA – šefu Ureda  
SEKTOR UNIFORMISANE POLICIJE - načelniku  
SEKTOR KRIMINALISTIČKE POLICIJE- načelniku  
SEKTOR ZA POLICIJSKU PODRŠKU- načelniku

SEKTOR ZA PRAVNE, KADROVSKE I LOGISTIČKE POSLOVE,  
EDUKACIJU I ANALITIKU -pomoćniku komesara  
SEKTOR ZA MATERIJALNO-FINASIJSKE POSLOVE – pomoćniku komesara

JEDINICA ZA PROFESIONALNE STANDARDE-- načelniku

PRVA POLICIJSKA UPRAVA- načelniku  
DRUGA POLICIJSKA UPRAVA- načelniku  
TREĆA POLICIJSKA UPRAVA- načelniku  
ČETVRTA POLICIJSKA UPRAVA- načelniku  
PETA POLICIJSKA UPRAVA- načelniku  
ŠESTA POLICIJSKA UPRAVA- načelniku  
SEDMA POLICIJSKA UPRAVA- načelniku

Na osnovu izvršenih analiza i praćenja stanja sigurnosti na području Kantona Sarajevo, kao i na osnovu iskustava iz ranijeg perioda, javlja se potreba za usmjeravanjem i koordinacijom rada svih organizacionih jedinica Uprave policije Ministarstva unutrašnjih poslova Kantona Sarajevo u cilju održavanja povoljnog stanja sigurnosti na području Kantona Sarajevo.

U narednom periodu, na području Kantona Sarajevo očekuje se povećano prisustvo i kretanje ljudi i materijalnih dobara, domaćih i stranih turista, dolazak građana koji su privremeno nastanjeni u inostranstvu, održavanje raznih sportskih, kulturnih i vjerskih aktivnosti i manifestacija, aktivnosti političkih subjekata i nevladinih organizacija, period povećanog korištenja godišnjih odmora i dr. Posebno je bitno napomenuti održavanje manifestacije „Obrana BiH – Igman 2018“, „Sarajevo Film Festivala“, „Općih izbora u BiH 2018“, posjete inozemnih i međunarodnih delegacija, nastupanje mjeseca Ramazana i Bajramskih blagdana i dr.

Okolnosti koje mogu dodatno usložniti sigurnosnu situaciju su aktuelna politička i ekonomsko-socijalna situacija u BiH i Kantonu Sarajevo, a prvenstveno zbog nezadovoljstva određenih kategorija društva, koja je u prethodnom periodu bila izražena kroz pojavu nenajavljenih blokada saobraćajnica od strane boračke populacije i radnika, koji traže ostvarivanje određenih socijalnih i drugih prava, kao i prisustvo sve većeg broja migranata afro-azijskog porijekla na području Kantona Sarajevo. Zbog složene političke i socijalno -

ekonomske situacije, postoji sigurnosni rizik da se naprijed pomenute pojave mogu desiti i u narednom periodu.

Zbog svih naprijed navedenih sigurnosnih pojava i rizika, pred policijske službenike Uprave policije Ministarstva unutrašnjih poslova Kantona Sarajevo postavljaju se novi sigurnosni izazovi. Naprijed navedene društvene pojave direktno mogu uticati na ispoljavanje svih oblika kriminaliteta, prekršaja i drugih nedozvoljenih i društveno neprivatljivih radnji i ponašanja, a koje u konačnici mogu uticati na ukupnu sigurnosnu situaciju i stvaranje loše slike o Kantonu Sarajevu.

Menadžment Uprave policije Kantona Sarajevo ima jasnu namjeru da kroz plansko, organizovano, povezano i usklađeno djelovanje svih organizacionih jedinica, policijskih službenika i administrativnog osoblja postigne optimalne ciljeve u oblasti održavanja povoljnog i prihvatljivog stanja sigurnosti u Kantonu Sarajevo.

**U vezi naprijed navedenog, potrebno je da osnovne organizacione jedinice, svaka u okviru svojih nadležnosti i djelokruga rada i uz međusobnu saradnju, uz korištenje svih raspoloživih ljudskih potencijala i materijalno-tehničkih resursa, a radi održavanja povoljnog stanja sigurnosti na području Kantona Sarajevo, odmah preduzmu slijedeće operativno-preventivne, represivne i upravno-administrativne mjere i radnje:**

- Sve organizacione jedinice dužne su samostalno sačiniti konkretne akcione planove rada i sigurnosne procjene u skladu sa aktuelnom sigurnosnom situacijom, s jasno izdiferenciranim sigurnosnim prijetnjama i rizicima na području svoje odgovornosti i iz svoje nadležnosti, s konkretnim i konstruktivnim prijedlozima za unapređenje rada, precizno određenim poslovima i aktivnostima, nosiocima poslova, načinom postupanja i izvještavanja.
- Potrebno je da nadležne organizacione jedinice mjerama kriminalističke taktike i metodike intenziviraju opservaciju objekata i lokaliteta na kojima dolazi do povećanog broja izvršenja krivičnih djela i prekršaja, u kojima se okupljaju i borave lica koja su evidentirana kao višestruki povratnici u vršenju krivičnih djela i prekršaja, prikupljaju informacije i na osnovu precizno prikupljenih podataka i informacija koje ukazuju na osnovanu sumnju i konkretizovane činjenice da se u određenom ugostiteljskom ili drugom objektu i prostoru nalazi učinitelj, saučesnik, tragovi krivičnog djela ili predmeti važni za krivični postupak, nadležnom Sudu podnose zahtjeve za pretresanje objekata i lica.
- Pored naprijed navedenog, potrebno je u skladu sa odredbama Zakona o policijskim službenicima Kantona Sarajevo i odredbama Zakona o krivičnom postupku F BiH, kao i mjerama kriminalističke taktike i metodike, a prema vlastitoj procjeni intenzivirati opservaciju objekata i lokaliteta na kojima dolazi do povećanog broja izvršenja krivičnih djela i prekršaja (objekti koji su meta razbojnika, lokaliteti sa kojih se vrše teške krađe motornih vozila i sl.), u kojima se okupljaju i borave lica koja su evidentirana kao višestruki povratnici u vršenju krivičnih djela i prekršaja, prikupljati informacije i na osnovu precizno prikupljenih podataka i informacija uz primjenu operativno-taktičkih mjera i radnji, vršiti preglede lica, vozila i predmeta, provjere identiteta, kao i druge operativne i kriminalističke provjere. Ovakve radnje policijski

službenici mogu izvoditi prema određenim licima u dolasku ili odlasku iz navedenih objekata ili s određenih lokaliteta. Naprijed navedene mjere organizacione jedinice mogu izvoditi samostalno ili u saradnji i uz podršku Sektora za policijsku podršku uz prethodnu saglasnost policijskog komesara Uprave policije MUP-a Kantona Sarajevo.

- Potrebno je da organizacione jedinice izvrše analizu stanja kriminaliteta u oblasti krivičnih djela protiv imovine (teške krađe vozila, teške krađe u kuće, stanove i druge objekte, tzv. „ulični kriminal“ sa imovinskim elementima i dr.) i da preduzmu neophodne operativno-taktičke i metodičke radnje u cilju sprečavanja i procesuiranja ove vrste krivičnih djela, kao i da pristupe rasvjetljavanju do sada nerasvjetljivih krivičnih djela iz ove oblasti koja su izvršena u prethodnom periodu. Posebnu pažnju obratiti na identifikaciju i procesuiranje osoba koje vrše „džepne krađe“ u sredstvima javnog saobraćaja, uzim gradskim jezgrima i turističkim destinacijama, a posebno na štetu inozemnih turista.
- Organizovati pozorno-patrolnu djelatnost raspoređivanjem pješačkih patrola u službenoj uniformi koji će biti vidljivi javnosti, obilazak i operativnu opservaciju od strane policijskih službenika kriminalističke policije, na mjestima gdje se okuplja veći broj građana, kao što su atraktivne turističke destinacije, izletišta, uža gradska jezgra, autobuske, trolejbuske i tramvajske stanice-terminali, mjesta na kojima je evidentiran povećan broj krivičnih djela i prekršaja, a kako bi se preventivnim djelovanjem spriječilo vršenje krivičnih djela i prekršaja i brзом reakcijom identifikovali eventualni počinioci krivičnih djela i prekršaja.
- Preduzeti i planirati aktivnosti na sprječavanju i sankcionisanju svi oblika prosjačenja, a naročito onih u koje su involvirane maloljetne osobe i osobe s invaliditetom ili ometene u fizičkom i psihičkom razvoju. Posebnu pažnju obratiti na pronalasku osoba koje naprijed navedene osobe navode na prosjačenje. Isto tako raditi na sprečavanju i sankcionisanju osoba koje se neopravdano kreću po kolovozu radi pranja vjetrobrana, prodaje proizvoda ili vrše druge nedozvoljene radnje na površinama namjenjenim za kretanje pješaka i vozila. Obratiti posebnu pažnju na lica koja vrše nedozvoljenu trgovinu na saobraćajnim površinama i drugim lokalitetima. U cilju efikasnijeg izvršavanja ovih poslova, a koji dijelom spadaju u nadležnost drugih državnih organa i javnih ustanova potrebno je ostvariti kontakt sa nadležnim centrima za socijalni rad i inspekcijskim organima.
- Nadležne organizacione jedinice izvršit će kontrolu zakonitosti prikupljanja dobrovoljnih priloga, neposrednom kontrolom i provjerama kod nadležnih općinskih službi koje su nadležne za izdavanje rješenja o prikupljanju dobrovoljnih priloga.
- Potrebno je da Odjeljenje za unutrašnji nadzor, koordinaciju i usmjeravanje organizuje i održi sastanak sa odgovornim osobama u javnoj ustanovi Kantonalni centar za socijalni rad i Kantonalnom upravom za inspekcijske poslove, kako bi se unaprijedila postojeća i ostvarila bolja i efikasnija saradnja i metodika postupanja između ovih organa i Uprave policije MUP-a Kantona

Sarajevo u dijelu koji se odnosi na prosjačenje, skitnju i nedozvoljenu trgovinu. Nakon održanog sastanka potrebno je obavijestiti sve organizacione jedinice o zaključcima sa sastanka.

- Jedinica za saobraćaj će svakodnevno u saradnji sa nadležnim policijskim upravama i drugim organizacionim jedinicama Uprave policije, u prethodno izdiferenciranim vremenskim terminima, preduzeti sve zakonom i podzakonskim propisima raspoložive operativno-taktičke, tehničke i metodičke mjere i radnje u cilju lociranja lokaliteta na kojima se okupljaju osobe koje organizuju i upražnjavaju tzv. „ulične trke“ sa motornim vozilima svih vrsta i prema počiniocima prekršaja ili krivičnih djela u potpunosti preduzeti sve mjere predviđene zakonom.
- Potrebno je da Jedinica za saobraćaj svakodnevno preduzima mjere sankcionisanja najtežih oblika prekršaja iz oblasti sigurnosti saobraćaja, a koji izazivaju negodovanje i revolt građana (brzina kretanja vozila, prekršaji od strane motociklista, nepostupanje u skladu sa svjetlosnom saobraćajnom signalizacijom, alkohol i dr.), a posebno prema povratnicima u činjenju ovih prekršaja, na osnovu ažuriranih evidencija.
- Kontinuirano vršiti obilazak svih vjerskih objekata, prema utvrđenim terminima u toku mjeseca Ramazana i vjerskog praznika Bajrama, u cilju sprečavanja svih eventualnih sigurnosnih prijetnji usmjerenih prema vjernicima i vjerskim objektima.
- Potrebno je da organizacione jedinice usklade zadatke u patrolnim nalogima shodno prolematici koja je izražena na terenu i konkretizuju radne zadatke na dnevnom nivou.
- Odrediti dežurstvo rukovodnih policijskih službenika tokom 24 sata, odnosno u skladu s aktuelnom sigurnosnom situacijom na području konkretne organizacione jedinice, s zadatkom kontinuiranog organizovanja, koordiniranja, usmjeravanja i kontrole rada policijskih službenika na terenu, a radno vrijeme policijskih službenika planirati i prilagođavati u skladu s procjenom stanja sigurnosti. Dežurni rukovodni policijski službenik obavezan je vršiti detaljne otpreme i dopreme smjena kojima obavezno prisustvuje dežurni policijski službenik kriminalističke policije i koji aktivno učestvuje u otpremi smjene. Dežurni rukovodni policijski službenik odgovoran je za ispravno upućivanje policijskih službenika na službu, kao i vršenje dopreme smjene.
- Jedinica za specijalističku podršku i Jedinica za podršku će sačiniti planove pojačanih aktivnosti koje će uskladiti s procjenama i potrebama na terenu i provoditi u saradnji s nadležnim organizacionim jedinicama.
- Rukovodioci organizacionih jedinica posebnu pažnju posvetit će dosljednom radu policijskih službenika zaduženih za rad u zajednici, koji moraju biti vidljivi pripadnicima zajednice, intenzivirati svoj rad na terenu i ostvariti potpunu i kontinuiranu komunikaciju s građanima, evidentirati probleme, predlagati i inicirati aktivnosti u cilju poboljšanja sigurnosne situacije na terenu.

- Postupanje i ukupno ponašanje svih policijskih službenika potrebno je podići na jedan viši nivo u skladu sa pozitivnim zakonskim, podzakonskim i internim aktima koji se primjenjuju u radu Uprave policije MUP-a Kantona Sarajevo i pozitivnim policijskim praksama, a posebno u ophođenju sa građanima, nošenju uniforme i ostale opreme, korištenju sigurnosnih pojaseva, zabrani korištenja mobitela tokom vožnje i prilikom komunikacije s građanima i poštivanje saobraćajnih propisa, a što će u konačnici dovesti do pozitivnih stavova o policiji i stvaranju percepcije veće učinkovitosti policije u otkrivanju i spriječavanju kriminaliteta i prekršaja i pozitivno se odraziti na ukupni doživljaj sigurnosti od strane zajednice.
- U centralnim dijelovima Kantona Sarajevo, kao i atraktivnim turističkim destinacijama, potrebno je raspoređivati policijske službenike koji poznaju strane jezike, kako bi i na ovaj način bili na usluzi inostranim turistima.
- Potrebno je da Jedinica za profesionalne standarde u saradnji sa Odjeljenjem za unutrašnji nadzor, koordinaciju i usmjeravanje preduzme konkretne i učinkovite mjere na otkrivanju i procesuiranju svih oblika korupcije i drugih nezakonitih radnji od strane policijskih službenika i drugih zaposlenika Uprave policije MUP-a Kantona Sarajevo, kao i povrede pravila radne discipline i Etičkog kodeksa. U svim slučajevima uočavanja ili evidentiranja inkrimisanog i neetičnog ponašanja ili povreda pravila radne discipline preduzimati zakonom predviđene mjere.

**Sve radnje koje se budu preduzimale od strane nadležnih organizacionih jedinica i policijskih službenika moraju biti dokumentovane i praćene odgovarajućim službenim pismenima i aktima.**

**Na osnovu naprijed navedenog, potrebno je da nadležne policijske uprave i druge osnovne organizacione jedinice Uprave policije Ministarstva unutrašnjih poslova Kantona Sarajevo, u svim slučajevima postupaju uz dosljednu primjenu pozitivnih zakonskih i podzakonskih akta.**

**Kontrolu nad provođenjem naprijed navedenih aktivnosti, u okviru organizacionih jedinica vršit će rukovodni policijski službenici nadležnih organizacionih jedinica o čemu će svakodnevno podnositi izvještaje rukovodiocima osnovnih organizacionih jedinica.**

**Nadzor nad provođenjem naprijed navedenih aktivnosti, kontinuirano će vršiti Odjeljenje za unutrašnji nadzor, koordinaciju i usmjeravanje, o čemu će podnijeti izvještaj policijskom komesaru, najkasnije do 05.06.2018. godine, a za svaki naredni mjesec najkasnije do petog u mjesecu za prethodni mjesec. U izvještaju je potrebno navesti sve aktivnosti koje su preduzimale organizacione jedinice, a posebno obrazložiti koje konkretne mjere i aktivnosti su preduzimale i preduzimaju organizacione jedinice po pitanju nerasvjetljenih krivičnih djela i prekršaja, kao i sigurnosnih pojava koje imaju negativne refleksije u javnosti. Inspektori Odjeljenja za unutrašnji nadzor, koordinaciju i usmjeravanje u svim slučajevima utvrđivanja nepravilnosti u radu bilo kojeg policijskog službenika dužni su preduzeti zakonom predviđene mjere, o čemu su dužni odmah obavijestiti policijskog komesara.**

Sa sadržajem depeše potrebno je upoznati sve policijske službenike, putem otprema i doprema smjena, kao i na radnim sastancima.

Za blagovremenu realizaciju i postupanje po naprijed navedenim aktivnostima, čim odgovornim rukovodiocima osnovnih organizacionih jedinica Uprave policije Ministarstva unutrašnjih poslova Kantona Sarajevo.

**POLICIJSKI KOMESAR**  
**Generalni inspektor policije**  
Mevludin Halilović